

1. **DIREKCIJA ZA ROBNE REZERVE KANTONA SARAJEVO D.O.O.**, Alipašina bb, 71000 Sarajevo, ID broj: 4200173840008, koju zastupa direktorica Jelena Pekić, s jedne strane (u daljem tekstu NARUČILAC POSLOVA)
2. **VETERINARSKI FAKULTET SARAJEVO**, ul. Zmaja od Bosne 90, 71000 Sarajevo, ID broj: 4200228330004, koga zastupa dekan prof.dr. Muhamed Smajlović s druge strane (u daljem tekstu IZVRŠILAC POSLOVA), zaključili su dana 05.11.2020. godine:

UGOVOR O POSLOVNOJ SARADNJI

I PREDMET UGOVORA

Član 1.

IZVRŠILAC POSLOVA će u skladu sa odredbama važećih propisa u ugovorenom periodu pružati usluge mikrobioloških ispitivanja uzoraka za ljudsku upotrebu za potrebe NARUČIOCA POSLOVA.

II OBAVEZE UGOVORNIH STRANA

Član 2.

IZVRŠILAC POSLOVA se obavezuje da će usluge iz člana 1. ovog Ugovora vršiti u skladu sa odredbama važećih propisa, te u formi pisanih izvještaja o ispitivanju dostaviti rezultate obavljenih laboratorijskih ispitivanja. Izvještaj o ispitivanju može uključivati i ocjenu rezultata ispitivanja u odnosu na zakonskom regulativom propisane norme u vezi sa analiziranim uzorcima.

Uzorke za laboratorijske analize uzima i dostavlja ovlašteno osoblje NARUČIOCA POSLOVA, kao i osoblje IZVRŠIOCA POSLOVA po potrebi.

Rezultati ispitivanja se isključivo odnose na ispitivani uzorak i dostavljaju se NARUČIOCA POSLOVA odmah nakon izvršenog ispitivanja. Ovaj dokument se može umnožavati isključivo u cijelosti i služi samo za službene potrebe. Nije dozvoljena upotreba u reklamne svrhe. Prigovor na ovaj izvještaj prima se u roku od sedam (7) dana od dana dostave izvještaja.

III PLAĆANJE

Član 3.

NARUČILAC POSLOVA se obavezuje drugoj ugovornoj strani za ugovorene usluge iz člana 1. ovog Ugovora izvršiti plaćanje prema službenom cjenovniku IZVRŠIOCA POSLA. Cijene navedene u službenom cjenovniku IZVRŠIOCA POSLA ne uključuju vrijednost PDV-a.

IV NAČIN PLAĆANJA

Član 4.

Za izvršene usluge iz člana 1. ovog Ugovora, IZVRŠILAC POSLOVA obavezan je izdavati fakture odmah nakon obavljenog ispitivanja uzoraka na osnovu kojih je NARUČILAC POSLOVA obavezan u roku od 7 dana po prijemu iste izvršiti uplatu novčanih sredstava. Za prekoračenje roka plaćanja zaračunat će se zakonom propisane kamate. Plaćanje izvršenih usluga vršit će se u konvertibilnim markama (KM) na transakcijski račun IZVRŠIOCA POSLOVA-JR TREZOR KS UNIVERZITET U SARAJEVU-ORGANIZACIONA JEDINICA VETERINARSKI FAKULTET broj: 1411965320008475, Vrsta prihoda: 722631, Općina: 077, Poziv na broj: 0000000077, Budžetska organizacija organizacione jedinice: 2104026.

V IZVJEŠTAVANJE

Član 5.

IZVRŠILAC POSLOVA se obavezuje da će NARUČIOCU POSLOVA dostaviti pismeni izvještaj o ispitivanju uzoraka preuzetih u okviru ovog Ugovora putem pošte ili ovlaštenog zaposlenika

NARUČIOCA POSLOVA ili ovlaštenog zaposlenika IZVRŠIOCA POSLOVA odnosno putem faxes broj: 033/643-684.

VI TRAJANJE UGOVORA

Član 6.

Ugovorene strane su saglasne da se ovaj Ugovor zaključuje na vremenski period do godinu dana računajući od dana potpisivanja i ovjere od strane ovlaštenih predstavnika.

VII ZAVRŠNE ODREDBE

Član 7.

Sve naknadne izmjene i dopune ovog Ugovora bit će sačinjene u pisanoj formi u vidu aneksa na Ugovor, koji postaje sastavni dio Ugovora nakon što ga ovlašteni predstavnici ugovornih strana potpišu.

Član 8.

Ugovorne strane mogu sporazumno raskinuti ovaj ugovor. U slučaju nepoštivanja odredbi iz člana 4. ovog Ugovora, ugovorne strane mogu jednostrano raskinuti ugovor bez poštivanja otkaznog roka. U svim ostalim slučajevima, ugovorne strane mogu jednostrano raskinuti ovaj Ugovor poštivajući otkazni rok od 30 dana od dana podnošenja pismenog zahtjeva za raskidanje ugovora.

Član 9.

Za sve odnose koji nisu regulisani ovim ugovorom, a proisteknu iz njegove realizacije, primjenjivat će se odredbe Zakona o obligacionim odnosima.

Član 10.

Eventualne sporove koji nastanu u tumačenju ovog Ugovora, ugovorne strane će riješavati sporazumnim putem, a ukoliko u tome ne uspiju ugovoraju nadležnost suda u Sarajevu.

Član 11.

Ovaj Ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva) primjerka za vlastite potrebe.

Član 12.

Ugovorne strane su saglasne da ovaj Ugovor i obaveze koje proističu iz njega stupa na snagu danom potpisivanja i ovjere od strane ovlaštenih predstavnika.

NARUČILAC POSLOVA

IZVRŠILAC POSLOVA

Je

Broj.

Datum:

